

摘藻堂四庫全書薈要

集部

欽定四庫全書薈要卷一萬九千四百六十四

集部

皇清文穎卷六十三

詩

七言古詩

澄海樓

孫在豐

長城壓山山倒海海樓直倚天山外飛梁浮柱俯十洲  
憑虛凌空小兩大礪倭壁立結構牢天風萬里嘯海濤  
吹落人間萬古月簸清天上一秋毫十二玉闌足恐失

茫茫愁思海天溢  
湏臾千頃琉璃堆  
蕩颺無垠蛟龍窟  
伊古未鑿混沌初  
此水原從無時無  
一勺歛焉浸六合  
天輪地軸轉相扶  
蓬萊清淺方朝暮  
碧桃花開春幾度  
只見扶桑析木東  
年年不向東流住  
三山宛然我舊遊  
秦皇昔日常相求  
對面蒼蒼烟霧裡  
滄波滅沒空回舟  
銀臺金闕亦何有  
衛叔卿今無恙否  
回頭一別三千年  
雙挾青龍猶在手  
碧城高與海天齊  
飛蜃為樓雲作梯  
虛窓玉女天吳接  
浴日吐月生虹霓  
誰云九州大但覺

五嶽低我來澄海樓頭望一點浮萍東海西

一片石

王師殄流寇從一片石驅入山海關盡殲之城下

孫在豐

一片石燕關左海茫茫土膻膻請從石上紀神功神功  
開闢無前古明季政不綱中原坐愁苦已灰漢室東西  
京猶守甘陵南北部黃巾羣盜豎如毛銅盤仙人泣如  
雨蒼黃天地暗烟塵天下慙慙呼父母呼父母得我所  
四海一聲後來蘇待我瘡痍手摩撫此時妖氛正滿  
山此日指麾安率土虎旅迅于風鴻毛燎於火二十



萬級血成流三百年中氣為吐片石落欒槍八方行安堵

聖人出萬物睹時雨耕耘在野深重熙千羽當階舞鳳吹律兮響雲門麟遊郊兮茁芝圃海之滙山之藪河之源江之浦詠歌沐浴兮億萬年銘功此石兮天為補登封白玉之牒不勝鐫七十二家安足數

壬午三月二十九日禁中侍觀

宸翰

賜御題清芬堂匾額紀

恩歌

胡曾恩

祥風甘雨青郊遍

天子端居紫宸殿  
晝漏舒長淑景融  
麥秋佳氣迎芳甸  
都城東南岱嶽宮  
長養萬物惟神功  
落成清廟隆秩祀  
宸題繡榜宜加崇  
瓊箋疊雪

宸章耀結構如椽  
風格妙千鈞筆力透中鋒  
萬點墨花霏四照

賜觀中禁集儒臣仰矚奎躔頌日新金薤銀鈎超亘古  
晉唐以下空紛綸承

命濡豪汗流背敢乞

天文豁蒙昧蓬茅儻得被春暉點畫常如親

帝誨宮門俄頃拜

恩殊七臣各獲三驪珠蚪龍蟠結滄海潤雲日煥爛光  
天敷體法森嚴神肅穆彤墀捧展開心目元氣融和精  
理充吾

皇萬壽於斯卜鸞綾研玉映琳琅芝泥穗篆增輝煌此  
時邸舍天香滿他日田廬  
聖澤長曩參扈從曾霑

賜回首門閭

題寶字清班還得誦清芬直為微臣表家世矢竭涓埃

報稱難撫躬尸素愧當官焚香晨夕瞻

天近咫尺榮光奕葉看

敬擬七德九功舞歌效白居易體有序

翁叔元

康熙二十年十月官軍收滇南海內底定十一月

宣捷午門十二月

頒詔中外與天下更始隨允羣臣請恭上

太皇太后

皇太后徽號復布告天下澤逮臣庶懽動區宇大哉

休烈巍巍煌煌充滿天地近古以來所未有也臣伏惟我

皇上義征不諛仁育羣生獨運神謀式遏亂畧殲渠魁

如霓掃破兇黨若冰離八載憂勞一戎者定武功  
偉矣布行慶施惠之文下尚德緩刑之令展孝思  
而錫類觀人文以化成綱紀宣昭聲教暨訖文德  
敷矣粵稽古者治定功成必播之聲詩形之律呂  
以發揚鴻休總章簫韶之奏遐哉尚矣近考唐宗  
亦有文德武功之舞武曰七德文曰九功而唐臣  
白居易作為詩歌傳示後世臣不文敬擬其詞為  
七德九功舞歌一篇凡八十句五百五十八字以

獻未敢附風雅之遺聊以備瞽矇之誦云爾

七德舞九功舞武緯文經耀千古

朝廷千羽在兩階天下車書盡九土我

皇御極垂衣裳四方萬國來享王自朝乃至日中昃堯  
兢舜業不敢康為念斯民亦勞止

丹詔夕封馳萬里咨爾強藩且載戈釋甲歸來見

天子邕有三葉方憑陵一朝敢弄潢池兵蕩搖滇黔連

楚蜀虔劉閩粵驅鯢鯨驛聞

天子赫斯怒

皇言一宣天日午誓將滅此後朝食取彼克殘界豺虎  
臨軒命將親推轂中有天潢建牙纛日射春旗萬馬鳴  
雲開曉帳千軍肅一從荆鄂向三湘一自江州下豫章  
西指秦川臨劍閣南經吳越渡錢塘王師所至如風電  
合圍掩羣開一面狼奔鼠竄皆倒戈市肆不驚芸不變  
王師所至多謠頌行者願齋居者送

天語殷勤再四宣毋令南畝妨春種一年轉戰雍梁間



二年克敵威荆蠻三年掃清甌與越一鼓遂進仙霞關  
四年官軍收閩地逆臣稽首歸藩位五年賊渠死岳陽  
六年百粵胥置吏七年一舉入成都夾擊東西疾渡瀘  
八年蕩掃昆明穴普天率土歸

皇圖羽騎宵馳傳露布從此江山復如故侍臣拜手賀  
昇平武士鳴鐃歌大獲我

皇恭已開明堂木鳳銜書下八方嘉與吾民共休息欲  
偕斯世為陶唐思齊太任及太姒翼子貽孫既受祉恭

上

徽音萬國歡再沛

恩綸與更始昔時民間苦被兵  
烏烏聲樂多荒城今日言旋復  
邦族間里不聞愁嘆聲昔時民間苦征役  
男子輟耕婦休織今日公家免踐更  
鼓腹行歌仍作息櫓槍滅迹三階平我

皇宵旰猶未寧手披目覽登庶績  
早朝晏罷勤蒼生天縱聰明兼

聖學研精書史窮丘索著述開天冠百王四海文明生  
禮樂舞七德舞九功虞廷之琴歌南風願令世世陳王  
業王業艱難萬古同

敬瞻

御書河南四大匾額恭紀

沈涵

聖人御歷寰宇寧岱宗河海皆告成闕里尊崇志鉅典  
禹陵秩祀騰休聲矧茲豫域去天咫尺百靈望幸能無情  
嵩山巍巍峙中極三臺二室凌蒼冥淮流溯源自桐柏

禹績千載猶輝宏孟氏功不在禹下遊梁遺蹟存丹楹  
中州撫臣從衆欲一一修飭同崢嶸稽首奉章進  
紫殿乞賜懸額標高閣

詔簡璇題十六字揮灑仍命諸在廷字形濶大越尋丈  
衆臣操筆皆悚憚金丹換骨苦無術閉戶累日窮心旌  
書成進

御數十幅瘿者瘳确肥彭亨縱有姿態失程度豈堪照  
耀八州氓僉伏楯陞不肯起願覩

聖藻謗聾音

至尊謙抑顧未許謂予翰墨非專營萬幾總攬常日晏  
奚暇肆力加研精反覆申奏始得請凝神端拱在穆清  
薰風晝永握珊管墨海吸盡蛟螭騰轟雷駭電悉奔赴  
一筆橫掃萬象呈須臾硬黃天上落光彩翕輭舉眼驚  
縮首咋舌敢仰視久之髣髴見精英屹如喬嶽鎮厚土  
壯如巨靈劈重坪縈如瀾迴復淵渚端如佩玉垂簪纓  
元氣流行四時脩詎有一美能專名禹皇岫嶺久茫昧

漢帝草聖同勾萌唐宗御書最超絕世南戈法猶仰承  
我

皇筆力跨萬古後者無偶前無爭不獨法程垂奕代共  
占福祉綿蒼生神完力厚天所賦

聖壽

聖祚皆永貞遙知金榜高懸處獄擁河趨輦

玉京

喜雨詩

曹鑑倫

孟夏之月日在畢赤駟朱輅臨天衢

帝念農功急甘雨麥秋將至思沾濡

紫宸一德契真宰精心密禱感應符興雲泄霧徧嶽瀆  
萬靈受職爭馳驅造車砰雷出奮迅投壺笑電紛歡娛  
千山得勢動鱗甲百泉發響酣笙竽飛甘灑潤散膏澤  
石燕翔舞羣龍趨來牟接畛沐優渥溟濛一氣連朝晡  
黃雲翠浪浩無際郊原明秀儼畫圖綠叢青笠治田具  
野人擊壤傳歌呼漁陽兩岐安足喜姑臧九穗徒區區

胞與在宥澤萬物頻年有

詔勤蠲租為民請命抱至意勸農祈穀嚴春雩肅然有  
請得嘉澍普天如賜玉與珠含桃未薦蠶事脩以瓊嘗  
麥樂且需芝房寶鼎不為瑞喬雲湛露方昭蘇小臣珥  
筆

殿陛側伏聞民事勞訏謨休徵肅又備洪範仰見

皇極天人孚三十六雨周歲足屢豐大有多黍稌薰風  
長被垂裳治阜財解愠瞻唐虞



石鼓歌

吳苑

辟雍鐘鼓羅俊奇，忝臨六館重臯比。  
廟楹灑掃釋菜畢，顧視石鼓環廡墀。  
彭亨菌蠢數盈十，刻畫文字符鼎彝。  
文百二行字五百，從甲至癸完無遺。  
始終紀述漁狩事，中載策命諸臣詞。  
細文淺刻堅且好，閱三千載光娥羲。  
曾經缺齧受風雨，豈用蟠負承黿螭。  
韋韓二蘇染大筆，助流寶氣長赫曦。  
周宣王時史籀作車攻，吉日堪肩隨。  
篇章排比類吉甫，體源質古超相斯。  
誰何小儒恣評駁。

不究根本多然疑先秦西魏駕空說啾點欲使成癥底  
自來神物多隱見晚出往往千秋垂周官左氏佑六籍  
卯金專門叢詆諆至今首冠甲乙庫儒生穠蓂如畚畱  
撫茲鼓質最龐厚琯琢山骨窮屢屈雍城城南久托迹  
蛟鼉鸞鳳藏瓌姿辭嚴義密難諷讀句奇語重誰思維  
鴻生鉅學茫不識任春烟鎖秋風吹縱敲牧火礪牛角  
却免摹搨傷皮肌譬如深山石華確歲月久遠無成虧  
文王紐在禹追蝕其故豈屬聲音為自唐迄今始的皦

日星雲漢光天達高駝巨艦凡四徙終然碁置文宣祠  
百靈呵護神作合傳萬萬世遐無期方今

天子闡絕學玉函金版皆繙披詎惟瑰辭追雅頌直使  
鐵畫侔繇芝

黼帷丹宸多制作慶雲五色紛歲蕤黃皮烏弋遠受吏  
海外來學航于茲莪莪髦士拂芹節軌度肅整趨委蛇  
聖謨文治四洋溢浩蕩匝無津涯講蒐前制載編牒  
或按周典揚戈麾威靈宣暢訢言函夏秀弓彤矢斑陸離

從臣才藝敢誇詡稽首拜獻成功詩天球琳琅刻金石  
潤色鴻業攀姚姁炳麟煌煌照六合焯然此事有職司  
研搜故實更參考名為石鼓良乖宜建康天發石三截  
暨禹岫嶺堪旁推石形似鼓制非鼓狗迹忘本差毫釐  
摩挲彷彿古人意定作閱武岐陽碑

古柏行

元祭酒許  
衡手植

吳苑

夫子廟柏數十株託根自與尋常殊霜實時時垂玉琲  
風枝往往鳴笙竽含貞挺節亭亭竦儼如冠劍森相拱

小者猶留十數圍交柯屈鐵烟濤湧一株參天勢更奇  
鬱蟠元氣何淋漓摩挲歲月猶可識許公手植非傳疑  
蛟龍攫拏雷雨作黛色翻從半空落斑鱗點盡秋後霜  
百片青銅光灼爍新甫山頭樵徑封武侯祠堂碧草叢  
西川東魯遠莫致何由突兀撐晴空當年元儒推第一  
遺經辛苦窮編葺嘉樹栽培用意深周模孔楷千秋則  
至今偃蓋拂雲端雍容子弟趨盤桓豈徒材大資梁棟  
直欲香清接鳳鸞君不見上林崇臺千尺高青棠赤桺

皆凌霄若論歲寒卓堅骨坐使萬木慚丰標雖池管領  
真遭際南榮歲歲涵蔥翠蒼幹樞門映日寒素華壁水  
縈波細攀枝摘葉有所思六館三舍應爾師豫章七年  
人始知不然丹漆將安施

江西試事畢過廬山白鹿洞謁禮

聖殿敬瞻

御筆學達性天匾額復登

御書閣觀

頒貯經史恭紀長歌

陸肯堂

大江東流波淼茫忽插廬阜橫高蒼層巒複嶂四圍合  
靈境每向煙蘿藏後屏山南洞門闢百間廣厦森開張  
斷樵旁鎖白鶴觀飛瀑直下犀牛塘使車弭節少游憩  
未暇石竇窺雲房摳衣端拜禮聖殿擘窠禪榜懸

宸章霞蒸霧蔚四大字星垣奎壁天煌煌蛟龍爰纏有  
餘勢中峰琢出瑇瑯韋王局縮閭無色豈與宋代論  
蘇黃瓊霄綈几時揮翰徧

頽州邑顏宮墻山扉僻左荷球壁風勵學子誠難量有  
如太陽照六合奧區纖隙皆東暘地靈呵護百神守

聖蹟萬禩傳無疆

小臣

瞻仰正親切此都人士來升堂

聚觀玉皇香案吏思以典記提相商

御書閣上甲乙庫緘滕局鐫蒙縑綳委宛金函羽陵策  
天家石室儒生倉探源星海歸渤澥要搜派別分條綱  
當年諫議此韜迹學成望重如鸞凰江州領羣憶舊隱  
築臺看鹿花環廊宋淳熙末考亭至訪求遺趾山之陽



卧龍岡頭石齒齒小三峽口流湯湯風泉雲壑絕佳處  
弟子十四同徜徉哦詩作賦日不輟雅歌餘韻猶繞梁  
葩流文采遠輝映皴霞釀露填奚囊從來大儒有實學  
鼓吹六藝逾笙簧至今鑱石錯真隸銀鈎鐵畫霏寶光  
橋亭碑碣帶烟雨苔皮嵌綠垂千霜山行考古恣游目  
湍前草樹飛巖香虬鱗萬甲濤勢壯珠沫百斛溪痕長  
老人峰頭五紺髻一點螺旋天中央寒嵐截住不得上  
列仙夜醉淋瓊漿白鹿一雙峭崖走紅鶴百隻遙天翔

翰林書齋司馬竈皆貪山翠老不忘況茲洞學有規制  
官書塢田侔上庠

聖人琬刻右文旨急探義苑窮經箱采風過此意何盡  
一重一掩疇能詳秋晴嶺葉間蒼赤佩壺稍坐松陰涼  
郵程汲汲敢稽緩明日南浦排風檣仰瞻

天筆慶霄裏榮光五色輝虞唐

御書匾額歌

劉坤

文思

天子開天章金泥玉檢播八荒擘窠大字徑丈強昭回  
碧落銀漢旁驚鸞舞鳳紛飛翔龍蟠筆底蛟騰驤皎如  
日月懸晶光列宿敢與分寒芒緊古哲后垂琳琅岫嶺  
山尖薤葉長丹文綠字鐫高岡雨淋日炙苔蒼茫

龍章一出增輝煌排空筆陣凌書航懸針垂露皆粃糠  
不數倉籀寧鍾王我

皇宵肝憂羣方萬幾清暇羅縹緗揮毫拂素搨硬黃珊  
瑚筆格玳瑁裝綠沉漆管隄縻香烟雲落紙驚飛揚登

床乞得侔珪璋宵來光氣衝天閭繁臺少室環文昌維  
岳元精居中央胎簪之源神告祥隨山刊木功不忘孟  
子繼禹非誇張題以

宸翰萬古彰銘書石鼓陋岐陽彤廷捧出金玉相鵷行  
鷺序看堵牆森嚴矩矱矜且莊驪珠十六遙相望裏以  
雲錦織七襄俯漸蚓結窺龍堂心摹指畫勞徬徨遙知  
我

皇聖壽昌寶書雲笈傳無疆

聖駕南巡恭紀

許汝霖

聖朝政理恢乾綱巍巍上參虞與唐  
禋宗輯瑞典鉅麗  
五歲再舉勤省方  
孟陬吉日維子

法駕南嚮乘青陽  
不聞輿徒傳警蹕  
却指馳路開康莊  
清塵戒道慮滋擾

天語嚴飭先煌煌  
尚方玉食行自備  
所過不待諸餽糧  
此來本意咨疾苦  
為民而出恐使妨  
春旂飄飄指畿甸  
官柳未拂宮袍黃  
隔年嘉種獻雙穗  
地不愛寶呈禎祥

北陸仁風被稔黍東疇麗澤收豐穰齊邦魯邦重望幸  
有

詔預免來年糧名泉厯下七十二併作霖雨膏遐荒諸  
川脉絡厯可數濟泗沂汶河淮江先時黃流績未奏異  
同衆議紛巖廊

聖明俯徇羣下請

親厯勿憚循隄防告成果與

睿筭合上下疏濬漸周詳懷柔胥效百神職東注大海

波不揚爰臨碧渚移畫鷁左右整姁羅縹緗雲烟千頃  
浮震澤山水一道趨錢塘幾家映花起樓閣隨處截竹  
調笙簧閭閻已享太平樂

帝念軫恤猶如傷數百萬租同日賜積逋更貸三吳償  
白頭年高加粟帛赤子罪薄弛桁楊恩殊詎數漢文景  
刑措直踰周成康別寬小青存政體新播

大賚旌官常金花綬香綵縈袖玉笋醴設瓊分漿文臣  
武臣腹心視竝侍曲讌聯班行風霆雨露亦間作甄別

實用褒循良餘恩又看文治廣髦士濟列東西庠已敷  
聲教洽漸被遂溯明德追懷襄會稽名郡留禹蹟崇山  
古廟丘陵蒼欲憑千載通肸鬻親屈

萬乘虔升香成天平地灑

宸翰藻采絢爛雲為章斯須廻

鑿復西渡老幼扶道爭徊徨攀留肯為一日住匍匐少  
慰羣黎望日中交易自屢肆陌上饁餉還耕桑瓜蒌果  
蔬雜菽麥忠愛似可微芹將向來顆粒本率育野味特



許田間嘗

霽顏咫尺霑然接有目盡識重瞳光去奢崇讓凜面命  
土俗立望還敦龐金陵再傳修祀典鐵甕大閱雄巖疆  
時平形勝歸一覽愈覺萬里江天長黃龍導舟允由翕  
虹氣上駕龜鼉梁

六飛遄返光掣雷仰視霄漢鸞鳳翔時巡三月禮告畢  
仙仗行復排天閭具僚濟濟各獻賦

天子穆穆仍垂裳韓碑柳雅不勝頌夏諺周什誰能颺

小臣未叨扈從列珥筆紀述職所當有生幸託覆載內  
蠡測管窺誠難量瑤階拜稽祝萬壽惟願歲歲開明堂  
皇帝聖神威武三出邊塞永清大定歌 胡任輿

太平天子提天綱慈仁威武真八荒西臨海西弱水洋  
東觀浴日窮扶桑奇肱僊耳隸職方不問肅慎與越裳  
南金大貝供篚筐厥貢砮磬璆琳瑯重譯萬國咸賓王  
誰其駕黠敢陸梁魑魅魍魎白日藏有一不率必大創  
滇黔巴蜀楚衡湘以次剗剗踰海邦彭湖廈門一葦杭

設官制郡增樊牆桃林放牛不服箱休歸萬里華山陽  
煦嫗百姓遊樂康約束醜類如驅羊蠹爾狡冠橫披猖  
如彼稻田長莠稂有鄰其居本頡頏怒而欲取如探囊  
以衆敵寡勢莫當愬與上邦殲厥強彼何人斯等夜郎  
諭之不率真病狂

天子奮武戒戎行羽林矛戟森開張龍旂鳳葆垂文章  
浮光上照太白芒猛士短衣服上裹金鼓一振百鳥翔  
前飛鶚鷁後鷺鷥參逐駭獸紛奔忙一箭正中麋豬麀

遊魚釜底驚沸湯踉蹌鼠竄羣拖腸月氏授首日逐僵  
獻俘繫組騰龍驤躡以後隊無逃亡連兵或恐民卒痒  
許爾悔罪肉袒降彼昏不知病膏肓潛師夜襲我餽糧  
天子震怒斧爾吭一掃西鄙無渴羗寒冬再整期門裝  
羶廬積雪飛嚴霜設麾建旄風飄揚駕以駟馬馬斯臧  
長城萬里百夫防草竊那敢為寇攘厥角稽首

行宮傍跪獻捫酒迎壺漿獸窮無所歸何鄉匿迹糞壤  
同蜣螂降幡欲豎猶徬徨終當一炬炎崑岡時維仲春

百草芳于輶于祭星在房三勞萬乘臨河湟金城迤西  
達五涼登狼居胥殪天狼趨陟險阻如康莊俯視九有  
如批糠臨流渡以萬斛航十行之詔辭煒煌如何負嵎  
不自量豈知戚好還相戕恨不鬻肉共飽嘗巢傾卵覆  
命不長顯有誅戮幽禍殃玉關之西蔥嶺旁永絕烽燧  
消戈鋌遐思往古追軒唐青丘丹浦何堂堂後王籌運  
資廟廊誰能果斷如我

皇陰符玉帳在御床安用借箸韓張良

帝車回來萬象彰奔走士庶趨工商  
饒歌萬疊聲鏗鏘如聽天樂開天閭  
華花朱實來告祥仰看阿閣巢鸞凰  
普天率土沐瀛汪

賜以大酺行千觴從官麻列佩珎璜  
橐筆直欲凌長楊小臣不學空含香  
無才敢擬古戰場方今

天子聖道昌淨掃兵氣回天光橐弓  
橐矢卧絳槍箕疇錫福正溥將遂開  
明堂肅官常金甌玉燭長無疆

大駕東巡幸闕里恭紀

姜宸英

軒皇垂裳得天紀七曜聚合如璧珠經歲四千五百六  
貞元之會今同符康熙紀元

天子聖二十三年文教敷臨雍雷振靈鼉鼓拜洛天浮  
龍馬圖舜干乍揮荒服靜神鞭再投海水枯爰議  
時巡降

清問禮官具儀

帝曰俞

德音始渙萬物泰所過盡

賜明年租禮崇望告首東岱制度一一準有虞簡省與  
衛止除道奔走父老寧需扶既陋五土事封禪亦笑八  
駿徒馳驅闕里臨幸有故事跨漢軼唐禮數殊泉林游  
泳證道妙魯門未到心先輸有司宿戒壺濯陳羹飴飯  
簠簠脯胸筍簠鱗羸編磬備和以琴瑟笙簫竽樂工肄  
成太常部三十六舞紛縈紆是月仲冬日乙卯軫中朗  
概明前櫺風和氣暄翼雲罕冕旒肅穆中殿須雲雷之  
尊犧象二祭器羅列商周模祝辭



親製

皇帝獻告虔幣嘉酌清醑贊稱九拜獻三跪此事今有  
古所無烟燎既舉神洋洋千官並起鏘瑤瑜

皇帝更衣御行幄臚傳進講駢生徒如聆金石壁中奏  
復見詩禮庭前趨諦觀象設展圖繪始知妙手神明俱  
帝乃載歌歌五言音成雅頌文典謨摩挲手植生意盡  
化工迴幹欣重蘇鸞旂北指廟扉闔義和停轡儼未晡  
墓門高揭大庭庫石梁徑渡城陰洙千年隧道絕荊棘

四方移種饒檀榆黃玉一閼不復見惟見羣鶴鳴相呼  
舉酒三酌復再拜草間翁仲聞都吁靈著目擊心自契  
陰陽變化誰能摹六師久嚴先輅動

皇情欲去增跼蹐青雲留拂翠華葆垂露交輝金榜烏  
四氏承

恩拜稽首填觀萬姓皆睢盱年廟碑復載往

睿藻揮洒翰墨濡碑用西山奪玉石白鏗齋運出中帑  
盖用琉璃瓦兼兩樹之金聲門右隅排挾幽局煥長夜

晶懸杲日當天衢  
百家騰恣仁義塞  
可憐聖路荒榛蕪  
元和大中祇文具  
漢鐫唐搨空模糊  
我

皇好道不旁驚  
但言魯國惟一儒  
岐陽嶧陽先後聖  
巍我并列穹龜趺  
從此膠庠盛經術  
絃歌詎獨鄒與邾  
人文化成休氣應  
陽和鼓動天地爐  
羣臣不知所報答  
陛下萬歲長懽愉

皇清文頴卷六十三

欽定四庫全書薈要卷一萬九千四百六十五

集部

皇清文頴卷六十四

詩

七言古詩

扈從出古北口

張廷玉

曉日未出山烟昏冷風直透重綿溫長鞭鞭馬過峻嶺  
綵旛近指南天門綫路不足容兩軌猙獰怪石狼虎蹲  
攬轡高吟潁濱句前途山色非中原長城直與鳥巢似

昔人長城詩云此城冠山如鳥巢

雲邊隱見顏垣存前朝防戍疲士卒

枕戈荷戟忘寒暄瘴霧漫漫霜月苦一聲羌笛如呼冤  
青燐散野白骨聚至今想像猶銷魂

聖朝聲教遠莫外黃皮烏弋皆稱藩候臺不設瞭館廢  
窮邊來往如庭軒年年避暑歷茲土笑迎

鑿輅山花繁書生珥筆良厚幸六隨

清蹕邀殊恩朝嵐夕靄供覽矚巉巖危磴從攀援盛事

真足傲千古昔人出塞安足論

駐蹕密雲

賜觀

御書大學全部敬成七言古體詩一首 蔣廷錫

晴雲五色連長麾  
涼風霏霏吹墨池  
白檀山下駐黃幄

天心行健無息時

手書大學二千字寸幅  
初展光陸離精微遠  
契義帝畫  
古朴直邁岫嶺碑  
懸岸邃谷起鸞鳳  
折波奔浪騰蛟螭

古傳鍾王僅驅使下至唐宋真糠糜循環百遍究深妙  
淺識未得窺毫釐從臣相顧驚讚嘆小臣稽首拜獻詞

大學遺書出戴禮經文孔子傳子思化成天下始家國  
功由誠正先致知帝王統要悉已舉古今大道相扶持  
教兼內外通上下聖賢之本仁義基吾

皇衆理會一貫智周萬物權綱維緝熙

聖學已富有日新盛德無纖疵宅心天淵主誠敬深宮  
夙夜常思維上承

歡顏下教育周文止孝復止慈政修事舉備制度化行  
俗美歌關睢發揚理道闡經義異學祛掃淫詖辭萬幾  
有暇博典籍坐忘日影移龍墀新民明德著功效烟雲  
落處心手追古來人君偶染翰紅袍筆寫屏風詩雲藍  
側理咏風月豈與政治相培裨何如

聖人動合道令德顯與人民宜願勒金石  
賜學校億萬萬載為君師

雙塔峰歌

蔣廷錫



遠山月落天雞唱長風吹雲度層嶂霧花作雨十里香  
扶桑鞭促金烏上斷雲忽露兩峰尖半隱半明失顧瞻  
太陽高照陰靄散塔影雙插驚排籤紅雲一握遞迎送  
糝金石色光浮動誰將玉斧中劈開比肩而立相伯仲  
左峰彷彿生紫烟鏤開三穴皆天然山根疑與鑿圭竇  
上穴大小珠窩圓日光直射圓鏡赤玲瓏透漏仇池天  
右峰稍低如拱揖浮圖相對神功全須臾馬首齊向東  
兩峰體合如一峰石屏方正卓然起峰巔綠樹陰濛濛

行行二里山脚走右峰轉左左轉右嵌空突兀亦非常  
面面皆驚峰勢陡憶從先臣宦粵省梅花村上羅浮頂  
百二十里老人峰沒膝黃雲盤石磴復記前年登華山  
蓮花朵朵雲霓間仙人掌送露寒石玉女頭盆堆翠鬟  
今朝所見真大觀半空落下青琅玕山迴溪轉雙塔隱  
行人馬上回頭看生平足跡探奇秘飽眼山川皆  
帝賜愧無米芾畫石筆寫出雙峰掛帆勢

上幸額勒蘇台大獵

恩賜觀園恭紀

蔣廷錫

秋高弓勁萬馬肥  
千山紅葉連霞飛  
外蕃部長率帳落  
來奉

君王大合圍  
平川幾點人如豆  
漸見烏欄畫遠岫  
青旗引路時飄揚  
四無人聲約步驟  
峰腰變出常山蛇  
羣馬斑駁雜五花  
陣腳欲轉勢未合  
草間出沒驚麇麇  
東偏飛騎下林麓  
山頂人排城堵矗  
圍場圓放十里寬  
四面回還衣帶束  
儻儻俟俟何處來  
長角大耳跳蒿萊  
倉皇

急欲突圍走揚鞭噪逐喧春雷羽林掠圍靜無擾馬密  
人齊圍轉小雲麾五色八門開盤屈遊龍頭尾統十尋  
黃纛吹長風晴天皎日光瞳瞳山祇地靈共鞭策悉率  
羣友居圍中繡鞍玉勒疾馳騁乾草霜蹄逐風影

天威手挽八石弓十四把長餘箭鋌前鹿已中金僕姑  
雕翎洒血紅模糊後鹿一發中其項高坡仰仆嗚嗚嗚  
須臾連射二十鹿箭服曾無遺一鏃天網還開三面恩  
下馬撤圍教止戮秋冬獮狩古所傳我

皇聖武縱自天仁風已捲鶴麗陣勇氣尚掛魚鬚旗外  
蕃健兒千二百忽掃雲屯散無迹疾徐進退心力齊知  
是吾

君恩所格始信天下一家語絕域遐邊總畿輔小臣袖  
手得

賜鮮敬繼岐陽歌石鼓

康熙四十二年正月初二日荷蒙

皇恩賜觀朝會樂器恭紀七言古體詩四十韵

查慎行

雲門咸池及大章制作肇自炎與黃後來韶夏繼漢武  
聲容綴兆猶相望或以象功或象德宮懸一一傳太常  
自從秦漢寢失古器雖尚設音微茫儒生好事強傳會  
蒼龍朱鷺徒揣量流傳往往入樂府遂薦郊祀陳明堂  
豈知元音闕運會出與盛世鳴光昌

國家功崇德深厚上有堯舜垂衣裳八風從律星告瑞  
亭毒四序昭三光

一人穆穆慶交泰多士濟濟賡元良朝乾夕惕日不暇  
庭燎復勤夜未央肅雝臨保本

家法儼奉

列聖同羹牆化成久道治累洽民俗康阜仁風翔懷柔  
河嶽盟帶礪撫馭畿甸

巡遐荒北清狼望息斥堠南拓鰲背開封疆圓顙方趾  
悉受吏丹雘白雉爭來王麒麟在郊鳳巢閣不貴異物  
誇禎祥太和元氣彌宇宙正賴雅樂為宣揚吾

君神智况天縱

聖學孰測淵源長精通緯數窮亥步博極墳典追羲黃  
黃鍾累黍辨清濁太簇按節分陰陽文成雲璈發金石  
詩出月窟諧宮商伶倫却立衆工伏

御製親授協律郎豈惟神人共悅豫兼采法曲收遺亡  
每逢朝賀必並作左右羅列東西廂臣昨蒙

恩預元會摠衣肅拜

丹墀旁拓黃帕拂



黼座近咫尺頽首心徬徨廣庭雪光吐莫葉

雙闕日氣暎扶桑乍聞鈞天動九奏縹緲散入爐烟香  
始終條理詎能析但覺盈耳聲洋洋歸來恍惚疑夢寐  
魯壁一夜聆鏗鏘明朝

詔許觀樂器始信大樂非笙簧編鐘編磬別冀簾楹鼓  
田鼓齊輝煌旌麾奇綵繪龍虎簫管逸韻含鸞鳳塤箎  
祝啟狀各異据圖考證安得詳有生耳目不虛畀

帝錫聞見開聾盲虞廷當時傳搏拊鳥獸應節猶低昂

幸逢昌期邀

異數及與百爾偕趨蹌歡情不覺同率舞拜手敢謂希  
賡颺矢音作歌紀盛事萬年願奉南山觴

瀚海石歌

查慎行

瀚海去國門亭堠千有餘

君王神武勤遠馭伐叛特欲安邊隅歸來玉斧畫大渡

屬國東西一都護羈縻不設

元和郡國志太平寰宇記  
唐宋時邊方多設羈縻州

甌脫間何者能邀

至尊顧異哉有神物產自此海濱溯從開闢混殫礫直  
到水底今揚塵女媧補天煉五色散落人間人不識年  
深道遠莫致之瓊寶仍為天上得

禁林過雨山蒼然綠窓窈窕生紫烟越羅蜀錦開什襲  
詔許重陳玉案前須臾捧下通明殿耀眼平生驚未見  
碧砮奇氣蓄風雲銅楔飛芒繞雷電七星掛斗何煌煌  
六十四象隨圓方綺霞縠霧錯采章白璧自白黃琮黃  
或如荔垂枝又如榴拆囊或如鏡留影又如芝植房或

如犧牛角鹽粟或如蝦蟇入月領頤張或如青螺或文  
蛤或如馬肝止血瘳膏肓或如珊瑚出網丹出鼎松脂  
出地琥珀凝堅光賦形畀色靡不肖化工之巧盡洩無  
留藏臣聞積水類生石瑟瑟波搖紅韎韞潮淘汐戰廉  
角平蜃吸鰲吐光怪發黔南白鷺洲文登彈子渦偶披  
千萬遇什一毓秀孕靈能幾何孰如此石來自遐荒外  
磊砢英多殊可愛携來共慶前席珍采處曾蒙後車載  
石兮石兮爾豈無知空抱質顧盼

恩深同剪拂回思萬古委泥沙方信

聖朝無棄物

賜硯紀

恩詩

宮鴻厯

扶桑晃朗通九區日浴先照天東隅襟山帶海阨塞地  
鬱葱佳氣開

雄都豐京鎬邑萃靈秀往往孕結瓊瑤瑜

鑾車時巡省方嶽百神受職羣山呼砥石巉巖若砥柱

天喬飛走俱魁殊蘊玉山輝傳自古美璞豈得同砮砮  
世無卞和識神物地不愛寶誰能剗為礎作礪等閒事  
何異石鼓疲春揄

帝咨工倕登此石卽墨封比躬桓蒲劓雲劓玉有製作  
中規合矩隨形模玉堂新樣琢磨出肌理滑笏堅而腴  
金聲玉德洵兼備呵冰蓊蓊雲衣鋪蒸栗黃間鴨頭綠  
白虹紫電縈星樞鵠眼村俗馬肝劣鳳味龍尾真其徒  
方箱大橐後車載山靈夜從秋雲孤

寶跼光芒玉几淨丙夜拂拭研鉛朱

聖文典誥詩雅頌遠跨周漢殷唐虞

龍章迅掃千鬼禿昭回銀漢懸天衢高碑大碣遍撫勒

人人競寶隋侯珠

微臣

未登朝士籍擢擡章句慚通儒

斷磚破瓦每自惜硯蟾注水行將枯竭來金門初待  
詔果腹珍饌傳

天厨

寵新地近但悚慄重以朽鈍煩洪爐何期

渙汗沛膏澤得與詞館同霑濡受

賜百拜納懷袖一方軟玉如凝酥三重緹襲慎色裹硯  
北却立心跡踣守靜尚默乃可久不緇不磷無玷污品  
方質厚硯之德豈以瓦合矜時趨敬披

御集讀硯說寒蟄一一回昭蘇作人造士軼三古寧有  
才俊留菰蘆我

朝太平天文德共球八表來將輸摩挲寶器不輕用用  
作明堂王會圖賡歌喜起贊



聖德青藜照席看操觚傳之千秋奕葉後上婉稷益皐  
陶謨

恭頌

萬壽無疆詩一百韻

倣栢梁體

吳士玉

皇帝端拱垂衣裳德合堯舜邁禹湯經乾緯坤燭三光  
渾元廣運霑毫芒油油雲覆甘露瀼宏開壽域被八荒  
咸和萬民食不遑

軫念飢溺咨河防瓠子自昔勞宣房千年一清今告祥

聖謨指授何洋洋清口不灌河流黃

翠華頻幸彌周詳平成萬古無懷襄龍圖五采呈天章  
金繩玉檢紛煒煌

帝迓

天庥日初暘祥飈瑞靄開飄檣顧瞻東國祈豐穰布德  
施惠

巡南方駕六蒼蚪翳鳳凰華芝羽益乘雲翔光連少海  
屬天潢豹尾掩映黃頭郎烝徒鼓楫歡聲揚詎有供御

煩助勦浮玉海湧一徜徉

御筆淋漓天藻香

天心最眷惟吳閭

省方五度沛澤滂黃童白叟熙春陽

聖主俯視猶如傷郊原遍歷親農桑春旂楊柳飛黃鸞  
麗日光天

聖壽昌大宇同慶福溥將詒蕩天門翠幕張

重離輝輝

紫極傍臯夔岳牧趨鵷行山呼雷動濟以蹌咸池六英  
奏浩倡鼓鐘瑟琴笙竽簧仙音法曲聲鏘鏘萬姓齊歡  
獻玉觴遙聞

天笑從風颺

帝澤如春恩濺汪歲租屢賜千倉箱勸善宥過除銀鐫  
寬仁疊沛通工商絃歌戶戶登虞庠賦政懋嘉召伯棠  
羣生游泳化日長惟

帝休烈冠百王仁育義正交柔剛中外寧謐安且穰三

葉旣翦邦本彊朔漠三駕靖彼狂瀚海無波天蒼蒼

聖圖廣大極梯航銷鋒灌燧樂時康勒石太學謹寶藏  
懷我好音示不忘武功旣宣文德彰千羽籥翟陳兩廂  
經籍萬軸披縑緗

天文訓飭士習良行思為表言為坊封植嘉穀化莠稂  
蘭蕙滿畹敷芬芳髦士戔戔宜奉璋慎簡哲匠鑒否臧  
還念考試歌慨慷

帝心愛士增徬徨

王言丕煥翰墨場闢門籲俊恢宏綱梗楠杞梓羅千章

驂騶綠耳爭騰驤祥鵬翹羽鳴梧岡搜剔幽隱升巖廊

後車連載馬與揚曠典盛節皆殊常壽考作人不可量

微臣 懜學媿面牆一編兀兀居窮鄉沐浴詠歌志激昂

竊附擊壤賡陶唐禎符瑞應垂琳琅三靈蕃祉運所當

願封泰山祀明堂英聲茂實高頡頏器車澤馬來康莊

玉環銀甕入筐筐三秀煌煌生殿旁一莖六穗薦黃梁

白麟朱鴈遊林塘滎河溫洛流泱泱卿雲爛縵遙相望

產祥降嘏方未央億載萬年戴

聖皇天長地久永無疆

甲辰閏四月十五夜喜雨

鄂爾泰

三吳長夏風披猖經月無雨愁驕陽身為方岳寄民命  
潛引湯火煎中腸籲天祈神典禮舊晨朝寮窠羣趨蹌  
卜月之吉匍匐始微誠敢必通穹蒼是日曉色變淒緊  
侵尋午景成摧藏山雲油油覆城郭江雨颭颭吹軒堂  
初驚高簷懸數丈漸喜中庭積一方我時公退未暇食

恍援北斗吞天漿，隔牖已覺目開朗。巡階自訝神飛揚，  
病身却坐默歎息。詎有感召來倉皇，憶從去秋銜

命至正當久旱罹凶荒，補救有心起溝壑。拮据無術盈  
倉箱，冬春荏苒饘粥給竊幸。比屋無流亡，眼看薄俗欲  
移易。其奈沉痾迷膏肓，粉黛流連徧初地。歌管雜沓交  
歡場，六博潛蹤學鬼蜮。四郊攘臂多豺狼，從容我但用  
文告。狡悍爾自求，析楊雷霆既震勢。小定事興霖雨寧，  
相妨深閨咒咀市兒詬。怨氣共說騰天閭，人情向背本



難一

帝心降鑒安可量今朝畢禱得大需一洗萬口諸昏狂  
暮燈既明聲轉急勢欲穿屋侵匡牀呼兒出酒勞賓佐  
酒氣與雨爭淋浪興酣不寐向丙夜蛟龍漸與收鋒鏖  
沉憂頓豁生遠思馳夢已到

丹墀傍擬追賀雨才力薄況今官守非詞章

聖主精誠與天合垂意南國崇農桑旬宣報稱首何事  
所期年歲恒豐穰化民成俗可次第頌聲謗口俱荒唐

待呼大舶具饒吹出觀四野青茫茫

恭讀

御製題王謬豐年農慶圖詩敬和元韻 鄂爾泰

覆車黃雲交碧落萬井歡騰動寥廓手鐮腰索齊登場  
孰辨環山與帶郭童犢喫喫老特閒溪棧塍塾寫潺湲  
廣糧門下一無事墉崇櫛比相間間賽神報社互稱壽  
割肉在手歌在口由來膏澤多豐年大布新衣矜富有  
挑菜兒歸女下機渾家飽飯喧通閨此圖此慶頗難覩

宵旰側窺披咏時

杏山行

塞爾赫

杏山山上石屹礧  
杏山山水寥泔山前山後沙土  
紅疑是當年覆軍血  
憶昔將軍未上馬羽檄交馳遍  
天下衆號十萬出關來遮日旌旗滿原野  
畫鼓三通不交戰  
戢聲中軌先亂二千鐵騎儼天人大箭長  
弓一當萬霜摧敗葉  
草偃風血流染海波濤紅馬前  
不誅長平卒祇今竹帛褒元功  
吁嗟推轂竟何補俘

將解縛拜

聖主有人東望尚招魂  
衣冠哭葬燕山土

松山歌

塞爾赫

錦州城南多崕嶧路入坡隴低復起  
行行曠望見廣原一掌平開渾如砥  
東南突岨聳高阜行人指說松山是  
松山之上松無風過濤聲清入耳  
此山得名不記年半土半石形迤邐  
漢魏北燕遼金元有明至今一彈指  
人民城郭凡幾更此山依舊蒼然峙  
我來山下訪舊事

當年戰壘無遺址  
緬邈崇德五六年

神兵禦敵渡遼水  
彎弧洞鐵氣如虹  
俯視將軍埒羊豕  
千騎轉戰杏山前  
路隔松山十八里  
戰鼓驚天海浪翻  
百萬覆軍強半死  
凱旋牧馬瀋水陽  
天助

龍飛良有以今日  
田園古戰場萬縷  
炊烟墟落裏沉吟  
懷古向秋風殘照  
松山凝暮紫

山海關

塞爾赫

颶風吹海雲濤翻  
排峯削玉森戈鋌  
一關雄據山海間

險阻不亞秦嶺函東控鴨綠襟三韓清流百道紆回環  
一夫當關誰敢前那用封之請泥丸詎知天意勝地利  
直教假手移神器義旂西指闢草昧含靈歸仁息鼎沸  
列聖相繼覩重華而今四海方為家出入惟憑一片紙  
關吏呵令行暫止

乾隆三年

聖主臨雍禮成恭紀

張湄

斑麟赤雀天降祥水精之子為素王九州木鐸聲嚶嚶

日月代燭修夜暘三千七十會冠裳羣川宗泗嶽拱防  
筆嚴衮鉞吾道昌要使萬世皆虞唐自有生民誰頡頏  
綿綿統緒屬

今皇韋編漆簡勤表章心法治法源流長覃敷文教暨  
八荒鶉居鵠飲與偕臧矧茲辟雍宅中黃東西南北遵  
路康兩楹數仞屹宮牆彩虹天矯丹輦翔參霄松檜鬱  
葱蒼蟠銅屈鐵森千霜駢羅石鼓來岐陽奎文  
睿藻交焜煌重以金碧琉璃光猗與美富埒

朝廊大昕警衆擊鼓鏜虛業既設崇牙張鸞旂翠蓋雲  
飄揚簫韶鳴入金絲堂莘莘俎豆潔裸將溪毛  
躬薦流芳香

一人低徊禮器旁

天容肅穆神齋莊咨爾左右同奉璋追趨舞字軒平襲  
春絃夏羽登峻良緇幃講肄發筭藏咀含六藝如宮商  
橋門風暖槐露瀼子衿環聽青成行原天稽古晰微茫  
中和條貫典訓彰禮超聃郊樂摯襄受裁奚止東魯狂



日躋上理

聖敬強化移疏俗延殊方乾坤軒豁振雷礪獻琛納賁  
賓蠻羗小臣際盛沐

恩滂咏歌拜手繼臯颺祝

君壽考祚無疆

聖駕東巡

盛京恭謁

祖陵大禮慶成詩

金甞

維清緝熙宣重光

帝握金鏡開珠囊文謨武烈崇覲揚紹庭繼序無時忘  
七朝觀德嚴烝嘗

鼎湖龍氣隨軒黃厥初生民徵發祥坤輿靈脉蟠東方  
高山天作橫大荒氣攝遼海恢全疆作豐遷鎬王業昌  
留都近接

珠丘旁千秋弓劍

橋山藏遙追來孝維

皇王感物增思懷秋霜睠言舊里沛與豐

乘輿親奉

慈寧宮歷吉日今以東行薦新承禧豐年穰嘉禾委積  
連坻京郊原初築圃為場如弦馳道遙相望千乘萬騎  
龍騰驤鸞旗翠盖風低昂踈林掩映丹青裝登臨引興  
搞

奎章行圍縱獠歲有常三田秋獮禮固當雲羅天畢紛  
舒張白羽捷發攢飛蟲霜蹄撇烈殷雷礮百禽悽遽走

且僵他他藉藉阮谷量三驅弭節毋胥戕擇取上殺除  
面傷用儲乾豆烹羶鄉威弧照野狼收芒絕幕萬里皆  
康莊淵旋雲被臨神鄉佳哉王氣鬱葱葱都廣之野務  
隅陽

神靈陟降憑元堂肇稱殷禮行升香延帷接桓羅斗匡  
季秋之月日在房晨瞻鳥注垂中央朱霞盪海明搏桑  
金蜩列侍齊冠裳駿奔祗奉湯孫將清酤既載調和羹  
九州珍錯陳縱橫歆馨顧德

神來饗

澄心凝思亶徊徨

几筵如在餘悽愴  
洪鑪盪滌提天綱  
河山風雨勞斧斨  
靈旗石馬爭飛颺  
松楸萬古瞻龍興  
緬仰

祖德何靈長念茲  
縉武敢不寢禮儀  
告備旋天墉

高臨崇政啟南端  
羣工蹈舞前稱慶  
玉卮初進萬年觴  
雲天

德施蕭露漚

錫宴親舊隆異張鯢齒鮐背駢趨蹌醉酒飽德咏太平  
皇歡既浹陳縹緗闡揚

光烈窮形容

盛京一賦垂琳琅

世德舞奏音鏘洋三侯裁足羣兒倡慶成大禮綵綸降  
恩覃中外熙春暘文德既昭武節彰選徒大閱傳牙璋  
飈駭雲迅俄方攘天行星陳高頡頏敦營七萃環武剛  
黃龍大牙常處中

申嚴號令昭戎經虎拜曰召鷹揚姜武併是干城良  
教達禁成節制嚴如飛如翰如漢江洗兵蚤已挽銀潢  
藏險於順威靡亢元菟真番暨樂浪東震日域咸稽顙  
保塞屬國茲益恭事畢功宏澤沛滂逶迤

仙仗方廻翔山川望秩酬靈貺歸格

祖禰循寶城關輔絡繹馳騎迎

翠華至喜鈴缺缺景雲麗色開

天閭先問起居朝

壽康遂

升前殿臨濟將

雕輦止蹕還東廂聲明文物增輝煌昔始往矣菊未英  
今來照水收虹梁征途回遠時節更師無疲露情徜徉  
先期規畫罔不臧

日月垂照無遠障

睿謀神運非贊襄曠典具舉殊安詳瑤圖萬葉流芬芳  
聖德廣大彌穹蒼敬



宗尊

祖凝羹牆展親錫類榮宗祊發揚

孝治光昭明春溫秋肅

恩威雙聲靈赫濯踰溟滄坐見九譯來梯航

堯仁舜孝孚萬邦

小臣

何幸親虞唐

皇清文穎卷六十四



總校官庶吉士臣張能照

校對官檢討臣盧應

膳錄監生臣錢璣

欽定四庫全書薈要

集部

皇清文穎卷六十

五至  
八

詳校官候選知縣臣吳甸華



欽定四庫全書薈要卷一萬九千四百六十六

集部

皇清文頴卷六十五

詩

九言詩

萬壽恭紀九言詩百句

沈樹本

聖皇御宇四十有二載初逢大衍五十躋長年萬國咸  
寧歡聲徧厚地

一人有慶景福齊高天況值河流底績垂永久更喜春

和被物增暄妍

蠲租宥罪四海澤均溥

省方問俗兩浙恩尤專欽惟吾

皇德越萬萬古聰明睿智齊聖更廣淵軼商跨周陵漢  
陋唐宋步堯趨舜駕禹追黃顓上則問安視膳修尊禮  
下而春育秋養無私偏

九重穆處垂裳戒逸豫六符拱極端冕罔遊畋允恭克  
讓堪作百世法謹身節用以為天下先重道崇儒宮牆

隆俎豆育才章教庠序羅英賢聖不自聖小心殊翼翼  
新益求新終日惟乾乾甲觀陳書寅衷勤往古酉山啟  
鏞乙夜窮韋編惟其篤學敏修極精粹遂有

鴻章鉅製紛流傳箴銘赫赫羣工承誠勅訓誥煌煌多  
士蒙陶甄尤工染翰縱橫飛玉管每愛臨池揮灑堆銀  
牋鳳翥鸞翔直超倉史上龍跳虎卧遠過鍾王前台垣  
卿月

天章均寵錫名山勝蹟

御墨都高懸經天曰文文德旣魏煥止戈曰武武業還  
騰騫曾聞六師

親統靖鯨孽旋見八荒効順銷狼烟北極流沙享王獻  
琛矢南窮溟海賓服韜矛鋌化被雕題鑿齒盡臣妾威  
震扶桑若木皆幅幘豐功偉烈刻碑紀銅柱赫聲濯靈  
勒石銘燕然僉謂已治已安可長樂猶且曰咨曰倣多  
憂悵  
盱食宵衣黎元同疾苦

撤懸減膳惇獨懷矜憐屢解桁楊三又嗣三赦頻除租  
賦賜半復賜全狴犴恩流仁風開網罟窮簷澤沛化雨  
迴迤邐同登壽域含哺亦鼓腹共上春臺鑿井兼耕田  
相親相睦民生胥厚矣不識不知

帝力俱忘焉頃者黃河奔流稍泛溢深煩

睿慮規畫頻敷宣

特簡良臣外廷授方略不惜厚帑

內府頒金錢排淤決口疏通歸大海築堤捍塘蓄洩成



平川上資

國計千里達漕運下裨黎元兩岍安廬廛錫圭告成  
六飛親閱視輯玉時巡

萬乘來駢闐時方陽春氣序正煦茂仰覩

榮光照耀連奎躔麗日和風迎人倍歡暢崇桃積李夾  
道爭芳鮮佇看華祝三多聲接踵遙聽嵩呼一路人摩  
肩

俯慰羣情朱旂臨浙水載隆時邁翠蓋停湖邊臣僚上

壽趨蹌擎玉醴億兆稱觴煥爛張瓊筵競指丹麟白鳳  
集靈畜行見八公十叟朝羣仙東海携來七尺進香棗  
西池捧出十丈開金蓮驂鸞奏曲飄飄蓬島畔控鶴吹  
笙縹緲候山巔共祝無疆

皇圖彌鞏固咸知有喜

聖祚方永綿年年介祉修齡並河嶽歲歲添籌積算超  
彭錢有如天皇壽考過一萬豈獨大椿歲月紀八千常  
調玉燭淳風惟皞皞永奠金甌王道真平平良由

聖德高深無可量克迓天庥凝謐滋長延草莽微臣  
材愧愚陋瞻

天仰

聖夙夜心殊虔世受

隆恩生成念彌切身蒙厚澤感激思常牽忻依仙蹕咏  
歌隨舞蹈幸際昌期踴躍頻廻旋行偕白叟黃童祝  
萬壽九言獻頌用代九如篇

乾隆三年

聖主躬耕藉田九言詩

有序

吳應枚

皇上愛育黎庶誠求民隱乾隆三年

特行耕藉大典以供粢盛至孝也以倡農功至勤也惟  
時春雨霏微川原含潤神人徯志兆年穀之順成  
宜有篇章導揚

盛美

臣

惟大禹颺言九功惟叙九叙惟歌又曰勸之

以九歌而天保詩人所以頌其君者旁稱遠引兼  
及如數以紀之皆取諸九昭陽德也

臣

不揣蕪陋

敬効斯義作為九言以獻詩曰

聖皇膺圖御宇萬象昌

澤被茅簷部屋胥樂康

勤民之心推暨海內外順序所布咨儆時雨暘惟茲六  
府孔修穀為重亦越八政具列農尤詳爰

命秩宗稽古定典禮並

勅京尹備物陳彝章器合耨耜錢鎛靡不舉種分秬秠  
糜芑咸相將乃擇元辰履畝參保介將行慶賞蠲吉承

馨香時當二月仲春日辛亥斗指震方卯位神勾芒淑  
氣旁流甘霖方應候金根待駕庭燎猶未央

一人宵旰不遑思穆穆百爾夙夜匪懈趨蹌蹌郊外蔚  
葱

翠華濃引翠雨中燦爛

黃幄潤添黃霏烟與羽葆龍旂掩映積霽共鑒儀芝蓋  
廻翔

命駕青壇抒誠為黎赤

齋心紫殿合漠感

穹蒼有司奉牲薦幣敬必飭大樂擬金匱以鏘先  
農來格降福及時夏后稷肇祀率育宜陳常於焉弭節  
鸞和臨繡壤即看捧鞭鵠立來巖廊

天子親馭洪縻蔥牓健

帝耜首開東作黛耜良

宸衷愉暢地脈愈滋沃百神翼衛庶彙齊芬芳貽我來  
牟廣場敷玉粒播厥種稔嘉種盈青箱先之勞之豈獨

遍千畝恩斯勤斯固已周八方層臺

觀稼班聯欣接武平疇額手袞繡瞻

垂裳三推五推九推辨軌物甸服侯服綏服祈農穰自  
王公卿尹下逮耆庶咸恪恭整肅願効勩羣工絡繹  
扶犁儀不忒衆耦踴躍終畝紛成行二十四花信風宜  
長養三十六禾詞調合宮商從此載芟載柞畷至喜會  
見實發實秀田皆臧非惟昭報秋成儲

御廩是用虔供禋祀登神倉



大君明農教稼仁孝備兆姓瞻蒲望杏享阜彰千村傳  
報土膏及泉動三春溉足雨澤兼露壤樂歲或耘或耔  
遊暇日豐年多黍多稌饒餘糧大禮告成歡呼徹遠邇  
衢歌巷舞沐

德先畿疆

臣

聞教民樹藝育萬世姬年八百肇迹開農

祥易垂勸相書陳所無逸幽風雅頌穡事言彌長大有  
必書麟經志務本秉耒作則月令宣青陽至漢以後曠  
典不數舉縱或遵循舊制徒鋪張懿昔

世宗釐成永獻瑞迄今寓縣墀墦遙相望猗與繼志揚  
烈在

元后允矣躬行實踐維我

皇年來蠲租減賦逾億萬時復貸金賑粟施汪洋撫撫  
周原為民溥美利昉昉禹甸率土承休光每從

螭坳珥筆紀盛事夙慕虞廷亮采思贊襄所期幾康時  
勅永無斁載咏屢豐多稼同賡颺

皇清文頴卷六十五

欽定四庫全書薈要卷一萬九千四百六十七

集部

皇清文頴卷六十六

詩

五言律詩

上苑觀燈

理密親王允初

刻漏遲銀箭燃燈燦玉京  
凌空珠作樹不夜火為城  
盤鴨輕秦制蟠螭陋漢名  
堯天星斗麗長照萬方明

塔山

理密親王允初

朔吹盈川谷蕭蕭動羽旄  
草枯迷兔窟風急脫鷹箭  
落寒雲重山鳴盡角高承

恩出關塞躍馬氣逾豪

過開山廟

理密親王允初

東去指徂徠

巡行亦壯哉人從千嶂度  
路想五丁開雲氣連秦觀  
烟光接漢臺春陰嵐翠潤  
溪轉徑迂迴

黃河

理密親王允初

黃河天下險萬古亘乾坤不覩靈濤壯安知禹力尊風  
雷無定響江海欲全吞此際乘槎穩安瀾荷

聖恩

賦得潤物細無聲

理密親王允初

廉纖初應候風定灑千絲但覺寒陰重旋看樹影垂一  
犁霑足處萬彙發生時不到春郊望恩膏那得知

夏日園中

恒溫親王允祺

溽暑人俱憚清涼我自諳四山晴獻翠一水晚拖藍爽

氣先秋集禪機盡日參蓮花如解意開到板橋南

侍

宴觀燈

恒溫親王允祺

昨宵方入直今夕又承

恩陪

宴來中禁觀燈過上元星橋林外直蓮炬水邊繁併作  
昇平象怡然奉

至尊

晚發湯山途中口占

恒溫親王允祺

晚發湯山道彌深定省情  
春烟含遠樹銀漢轉初更  
新水長橋急宵鐘野寺鳴  
前途知不遠燈火望中明

二十七日歸

恒溫親王允祺

征途值臘盡氣候轉蕭森  
埜渡氷封草孤村火透林  
邊鴻無息羽老馬有歸心  
縱到家園裏悽悽歲暮侵

禁中直宿晚晴見月

淳度親王允祐

獨坐黃昏後遙聞玉漏聲  
正當雲影散忽見月華明



鳳闕光逾淨

龍樓色更清  
為因新雨好  
亦愛晚來晴

奉和

兄雍親王暮春元韻

怡賢親王允祥

好景當三月  
紅雲點綠苔  
鶯啼垂柳外  
鶴舞曲池隈  
麗藻毫端發  
熏風指上回

堯階多雨露  
棠棣四時開

恭讀

御製耕織圖詩敬成二律

怡賢親王允祥

歷歷三時況如陳七月篇秋雲青甸裏春雨綠疇邊  
聖政先無逸

皇心重有年孜孜宵旰意總向畫圖傳

玉帛梯航遠山龍繪繡工豈知寒女事猶入

睿吟中勤儉昭淳俗勞思愛古風

垂裳開至治衣被萬方同

春晝

怡賢親王允祥

物候深春好遲遲晝漏長柳塘新水綠花雨小簾香波  
暖看魚躍泥融喜燕忙熙然俱自得游泳賴

軒皇

鑾回恭迎敬賦

怡賢親王允祥

紫塞回

鑾近瞻依隔半年記從初夏候又及小春前村落豐收  
好郊原霽景妍

聖躬多悅豫喜共萬方傳

西山

怡賢親王允祥

霽色來西爽雲端見遠峰翠含新雨重青愛晚烟濃逸  
興登山屐清音隔寺鐘何時探勝跡泉石紀遊踪

試馬

怡賢親王允祥

名驥來天廐翩翩過苑門風輕朱鬣動沙淺碧蹄翻縱  
有馳驅力寧酬養恩長嘶頻顧影矢志效騰騫

夏日山莊應

制

莊親王允祿

山莊宜夏日五月似秋涼  
瑞草隨風動名花裛露芳  
鳥啼青嶂下燕掠碧溪傍  
佳景陪

宸賞惟思獻壽觴

泉源石壁應

制

莊親王允祿

十二層城裏仙雲日日過  
泉源長噴薄石壁更嵯峨  
碧影涵明鏡晴光湛綠波  
乘槎何足羨身已到銀河

恭賦梅候宮中樹應

制

莊親王允祿

葭管初迎律宮梅候已還不隨羣卉放自占一陽先冷  
豔凌霜潔凝寒傍雪鮮

御園春更早雨露近天邊

春和堂

果毅親王允禮

春光簷際滿景物共暄和日午花香遍風輕燕影過冲  
融怡靜體淡蕩洽

恩波坐覺琴心遠怡然發嘯歌

賦得秋山極天淨

果毅親王允禮

山色秋來淨嵐光欲接天纖塵吹不到一碧望無邊宿  
雨初收後殘陽未落前凭軒縱吟眺爽氣入詩篇

蒲州

果毅親王允禮

龍門一曲處風氣萃蒲津

元史蒲州北負關陝南阻大河王思誠詩關設蒲津扼兩

壩關險全臨晉山形半入秦

州志蒲津關在黃河西岍山陝要隘也一名臨晉關

樓窺飛鳥上

州志鸛鵲樓在西南城上柏鬱大河濱水經

注首陽山臨大河名勝志夷齊祠下有古柏二相距數尺厥榦上交若兄弟之相倚傳為二賢手植祇有

重華日環迴萬古新

明統志蒲州古蒲坂虞舜都有雷澤歷山舜宅舜井二妃陵諸古跡

熱河三十六景詩

選三

果毅親王允禮

四面雲山

高亭依翠巘石磴恣攀躋但覺層霄近  
回看衆嶺低  
瑶芝雲每護玉洞鶴常栖縱目宜空曠  
平臨萬樹齊

北枕雙峰

亭占峰巒勝憑高俯衆山路穿深樹裏  
人在翠微間  
紅葉巖前錦蒼苔石上斑白雲時出岫  
常共此心閒



梨花伴月

乍入梨花峪，依巘架屋成。  
一天明月淡，萬樹艷雲晴。  
樓閣凌空出，峰巒映戶生。  
垂垂秋實美，大谷止虛名。

七月八日遊

瀛臺登西南樓成咏

果毅親王允禮

泛舟來太液，還上西南樓。  
四面生涼意，孤懷入爽秋。  
遠山凝黛色，湖水接澄流。  
景物依然好，頻年此獨遊。

桃

和親王弘晝

我愛天桃好偏盈露井傍臨風開笑臉趁曉炫紅妝春  
接仙源近秋經阿母嘗年年期結實藉得奉

君王

積書巖

河北層山有石室室中若有積卷故名見水經注

和親王弘晝

河北鍾靈氣巘深積卷虛名山真作藏石室恍遺書軸  
秘雲嵐合文殘苔蘚餘茂先推博學對此定何如

賦得千章夏木清

怡親王弘曉

一片清陰合紅塵靜不生槐陰偏漏月柳陰自藏鶯雲  
淡疑無影風微漸有聲凭欄無箇事閒眺足餘情

曉行即事

怡親王弘曉

秋雨初晴後風來動早涼疎林猶挂月細草已凝霜曙  
色含高嶺朝烟籠曲塘長鞭時拂馬指點說山莊

扈從

暢春園途中作

誠隱郡王允祉

微雨應秋晨

鑾輿出紫闥晚田霑更翠廣陌潤無塵霧色迷前嶺溪  
流響近津西成看已告共慶太平人

咏竹四首

慎郡王允禧

愛此千竿碧能消盛夏威濃陰深護榻清影半籠扉粉  
節含香雨烟梢淡暮暉日長高卧穩紈扇未勞揮

擢秀自成隣風竿間舊新交加難論箇散布欲無垠穿  
逕枝妨帽行吟翠繞身會裁青玉簡持贈白雲人

靜碧連書幌輕涼蔭食單撲空香翡翠繞地紫琅玕遮

莫侵蘭沼偏宜近藥欄山童能解事日日報平安

舊根來水國移種近香茆雨洗穿籬幹風梳拂牖梢色  
添杯酒綠聲逐局棋敲落凌寒意松梅足舊交

早秋

慎郡王允禧

玉律報新秋園林爽氣浮  
風桐葉落山雨火雲收  
蛩接蟬吟露螢和月上樓  
人家嵐樹外砧杵自相酬

秋日漫興

慎郡王允禧

禁苑秋光媚樓臺爽氣多  
風簷松偃蹇月宇桂婆娑  
荷

老餘香在雲閒片影過登瀛有佳客觀物動高歌

初夏憇清芬庵後禪院

慎郡王允禧

童子迎人到僧收貝葉文境幽雲不散鐘定鳥成羣樹影西峰接花光

上苑分禪牕四月好小坐午風薰

作

慎郡王允禧

相傳是陽鳥秋至即南征天地風霜日江湖旦暮情雲飛殊自得水宿漫多驚菰米蒼苔岫三湘處處清

夜坐課詩

慎郡王允禧

寂寞雙扉掩夜寒  
霜氣清人閒  
詩味遠境靜  
道心生瓦  
鉉茶初熟松窓火更明  
微吟數更漏  
點點下嚴城

夏日閒居用杜甫過何將軍山林韻十首

選一

慎郡王允禧

臨池時學字倚杖飽看雲  
自註蟲魚譜常持冰雪文  
果從村叟送茶愛岳僧分  
心跡清如水知無俗累紛

春日新霽

鎮國公德普

連朝雨雪兼淅淅復霏霏日脚黃初見苔痕綠倍添晚  
晴收宿靄積水映垂簾坐愛陽和景題詩信手拈

秋夜

鎮國公德普

病葉蕭蕭下閒門掃更封虛牕銜落月殘夢帶踈鐘咽  
露蛩吟砌巢雲鶴在松隔江秋色晚相憶有芙蓉

北林秋咏次姚少監縣居韻

鎮國公德普

堦下蒼槐樹婆娑十丈齊淡烟隨雨散踈翠壓簷低睡



覺攤書坐詩成掃壁題白雲看不厭閒倚一枝藜

春日遊西山

鎮國公德普

尋幽過曲徑林密日微通  
崖草週遭綠山桃寂寞紅  
苔痕侵古壁春色滿花宮  
隨意添吟興清尊孰與同

西山道中

鎮國公德普

日斜青嶂外寺遠翠微間  
山色自千古人心不暫閒  
風霜消歲月藥餌駐容顏  
准擬移家住無勞數往還

村夜

鎮國公德普

晚投村路急，茆舍覺幽深。  
冷卧驚寒夢，長宵耐苦吟。  
疾風鳴敗葉，斜月照空林。  
平日遨遊地，重過意不禁。

曉行

鎮國公德普

十里經過處，長宵四五更。  
近村聞犬吠，出郭未雞鳴。  
夜氣侵衣冷，星光照水明。  
不須愁跋涉，道路自多平。

盤山

輔國將軍博爾都

策杖攀危磴，蕭蕭萬木聲。  
雲過衣漸濕，泉沸馬頻驚。  
怪石當軒立，枯松隔路橫。  
渾疑塵世外，真覺道心生。

探春花

輔國將軍博爾都

深閣藏奇樹瑤華冒冷開半垂  
知臘盡叢發待陽回素色明殘  
雪幽香間落梅暖風飄碎玉一灑  
望春臺

戒壇古松

輔國將軍博爾都

戒壇松最古蒼翠日氤氲偃蓋  
承朝露喬枝惹暮雲蛟龍半空起  
風雨四山聞把酒成奇賞盤桓到  
夕曛

楓莊新咏

輔國將軍博爾都

引泉

剗竹引泉遠清冷日夜催每從深樹出時帶落花來響  
作空山雨涼生古石苔明朝欣釀黍香冽蘊新醅

結亭

築室苦卑陋還營木末亭座涵雲氣白簷接樹光青對  
酒聞沙鳥攤書度水螢相嘲何用解不署草玄銘

種樹

我欲植嘉樹分移自遠林土埋紅莢軟水潤綠根深微  
細含生意婆娑展寸陰他時逢雨露峭拔自森森

藝花

百卉多區別栽培事不同因之徵月令足以見天工種  
向町畦播根須雨露蒙芳菲自有候好待棟花風

次清爽齋韻

宗室福靜

玉律調朱火芳園結翠陰徑幽無暑到竹靜有風吟清  
朗數間屋虛明一片心高情與地稱琴鶴作知音

皇清文穎卷六十六